

2 Timoteo

¹ Høøch hädaa nocy nhädiuumby, høøch Pablohajpä. Ja'a Jesucristøch jaduhñ xquiuguexyhajp. Ja'a Dios jaduhñ mänaamb cooçh jaduhñ xquiuguexyhädät. Coö ja'a Jesucristo hajxy xmiøødhajtäm tu'ugjoot tu'ugwiinmahñdy, paadiä Dios hajxy tøø xyajwiinwaanøøyyäm coö hajxy cøjxta'axiøø xyagjugyhadäänäm neby je'e jiugyhatiän. ² Miich Timoteo, miichhøch hädaa nocy nyajnäjaayøøby. Jaduhñhøch miich ndsocy nébiøch nhamdsoo huungän. Ween miichä Diosteedy mayhajt xtiuunä møødä Wiindsøn Jesucristo. Ween xñäxuuch. Weenä hoyhajtä weenhajt xmiø'oy.

³ Hojioot howyiinmahñdymøødhøchä Dios nwiingudsähgø'øy nébiøchä nhap nébiøchä ndeedyhajxy jecy wyiingudsähgøøyyän. Hoy ñaaghóoc-høchä Dios nba'ya'axy, mänitøch miich njahmiejtsta'agy. Mänitøchä Dios jaduhñ nnäma'ay "Dioscujú'uyäp" ja'a miichcøxpä. ⁴ Nja wi'i yhijtägatsáambiøch miich, jaduhñhøch nxooñdaacpøgät. Xøømdsúhmhøch miich njahmiejtsta'agy. Njahmiejchpøch jaduhñ coö miich hánajty mjaançh tehñ jiootmayhaty mänaa hajxy jim nniwiá'xäm. ⁵ Jaduhñhøch njahmiejtspä coö miichä Diosmädia'agy hamuumdu'joot mmäböcy. Ja'a mdajhoc Loida møødä mdaj Eunice, jaaya'ayä Diosmädia'agy hajxy jayøjp mäbøjtsohñ. Tøyhajt jaduhñ coö miich jaduhñ mbamäböjpä.

⁶ Mänäajøch miich jim ngø'ønähgapiän, mänit miichä Dios mayhajt xtiuunä. Jaduhñ miich mäjaa xmiooyy coo ja'a tiuung mdúunät. Cham nnäma'ay coo mga'a najtshixø'øwät ja'a mayhajt ja'a Dios mänit xtiúunäbä, pero ween hamuumdu'joot mjaac yajtuñ. ⁷ Hix, jaduhnä Dios hajxy xyajmädsójcäm coo hajxy nga'a tsähgøøyyämät. Jaduhñ hajxy xyajmädsójcämbä coo hajxy ndúunämät ja'a miäjaahaam, møød coo hajxy hamiñ haxøpy nniçhojc nnibia'häyóowämät, møød coo hojiot howyiinmahñdy hajxy nyajtúunämät. ⁸ Jaduhñds je'e, cab mdsähdiúnät ja'a Dioscøxpä coo ja'a miädia'agy hänajty myajwa'xä. Ni jaduhñ mga'a tsähdiúumbät ja'a høøçhcøxpä, hóyhøch yaa nja tsumyçhäna'ay. Páadyhøch yaa ndsumyçhäna'ay cooçhä Dios ja'a miädia'agy nyajwá'xäbä. Cab mdsähgø'øwät coo mdsaaçhpøgät ja'a Diosmädia'agyquiøxpä nébiøch ndsaaçhpøquiän høøçh. Hix, xpiuhbédäbä Dios jaduhñ ja'a miäjaahaam. ⁹ Ja'a Dios hajxy tøø xyajnahwaats tøø xyajcuhwáatsäm. Jaaya'ay hajxy tøø xpiädáacäm coo ja'a miädia'agy hajxy hoy ngudiúunämät. Paadiä Dios hajxy jaduhñ xyajnahwaats xyajcuhwáatsäm coo hajxy xchójcäm, møød coo mayhajt hajxy jecy xtiúunäm ja'a Jesucristocøxpä; ca'a jie'eguiøxpä cooc tyijy hajxy hoy nguhdujthájtäm. Cahnä hädaa yaabä naaxwiin hänajty yhawijy tiøø'xta'agy, tøøyyämä Dios ja'a mayhajt hajxy hänajty jaduhñ xtiúunäm. ¹⁰ Coo ja'a Jesucristo hajxy yaa hoy tøø xyajnahwaats tøø xyajcuhwáatsäm, jaduhnä Dios ja'a mayhajt yajwiingähxø'nä, ja'a hajxy

jecy xtiúunämbä. Coo ja'a Jesucristo hajxy yaa hoy tøø xñähho'túutäm, jaduñ quiähxø'øgy coo hajxy cøjxta'axiøø xyagjygyhadáañäm neby je'e jiugyhatiän. Jaduhñ jiiby myiñ cujaay maa ja'a Diosmädia'aguiän.

11 Páadyhøchä Jesucristo jaduñ xquiuguexyhaty coochä Diosmädia'agy jaduñ nyajwá'xät coo jaaya'ay hajxy jaduñ tøø xyajnáhwaats tøø xyajcuhwáatsäm.

12 Cooch jaduñ nyajwa'xy, páadyhøch jaduñ ndsaaçhpøcy. Pero cábøch ndsähdiuñ. Hiç, coochä Dios ja'a miädia'agy jaduñ nmäbøjcä cooch jaduñ xyajnáhwa'adsa'añ, páadyhøchä tøyhajt nmøødä coo jaduñ hoy cwieendähada'añ pønjätyhøch tøø xyajcø'ødägø'øgy. Paady jaduñ cwieendähada'añ coo ja'a Jesucristo yaa quiädaactägatsa'añ hädaa yaabä naaxwiin.

13 Jaac panøcx ja'a hoguiuhdujt, ja'açh miich tøø nyajnáhixø'øyabä. Coo ja'a Jesucristo hajxy nmøødhíjtäm tu'ugjoot tu'ugwiinmahñdy, paadiä miädia'agy hamuumdu'joot mmäbøjcät, paadiä jäya'ay hamuumdu'joot mdsoc mba'häyówät, ja'a miich myajnáhixøøbiä.

14 Hamuumdu'jootä tøyhajt myajwá'xät, ja'a Dios tøø xyajcø'ødägø'øyabä. Caj myajtägátsät. Coo ja'a Dioshespíritu hajxy nmøødhíjtäm, paady miich jaduñ xpiuhbeda'añ.

15 Tøø miichäda'a mmädoyhaty coochä mäbøjpädøjc nämay tøø xpiuhwaatsnä, ja'a hajxy jim tsohmäbä Asia-naaxooty, näguipxy møødä Figelo møødä Hermógenes. 16-18 Pero cábøchä Onesíforo mäbøcy tøø xmiädsähdiuñ, hóyhøch yaa

nja tsumyčhäna'ay. Weenä Dios ja'a Onesíforo ja'a yhuungä tio'oxy ñäxuu'tsä. Coö miejch Roma, mänitøch nägø'ø nädecypiä xyhøxtaayy. Y coöch yaa xpiaaty, mänitøch mayhooc xpiuhbejty. Y hamuumdu'joot hajxy jim xpiuhbéjtäm Efeso, túhmäts. Coö yhabáadät coö ja'a Dios hajxy hánajty xyajtøyhajtyegáañäm, weenä Dios ja'a Onesíforo mänit ñäxuuch.

2

¹ Huung Timoteo, weenä Jesucristo xpiuhbety, jaduñ mga'a tsähgø'øwät mänaa. Coö ja'a Jesucristo hajxy jaduñ nmøødhíjtäm tu'ugjoot tu'ugwiinmahñdy, paadiä mayhajt hajxy jaduñ xtiúunäm. ² Mánáajøch miichä Diosmädia'agy nyajwiingapxø'øyän, nämayyä jäya'ayhajxy hánajty miämádoona'ay. Jaduñ miich wiinghana'c mnajtsapxøødiägájtät, ja'a hajxy hoy cudiumbä, ween wiinghána'c hajxy jiaac tehñ ñajtsapxøødiägájtägumbä.

³ Ja'a Jesucristocøxpä mmee'xtúgät coö hánajty mdsaačhpøcy, nebiä soldadohajxy miee'xtuquiän. ⁴ Hix, ja'a soldadohajxiä, jaduñä jioot hajxy piäda'agy coö hajxy ween quiumayii ja'a wyiindsøñhajxy. Cab jaduñ yhahixø'øy coö wiingtuung hajxy yhøxtá'awät. ⁵ Jaaná jaduñduhmbä, ja'a häyø'pädøjc-hajxiä, coö hajxy jaduñ hoy yhäyø'øgät nebiä cuhdujt myiñän, mänit hajxy hawiinmats quihäyø'øgät. Pero coö hajxy quia'a häyø'øgät, cab hajxy tii piáadät. ⁶ Jaaná jaduñduhmbä, ja'a yuubä pujxpähajxy hoy cudiumbä, je'edshajxy jaduñ jawyiin mäjúuyyap. ⁷ Yajcopcø'øw hoy nébiøch

cham nmäna'añ, weenä Dios jaduñ xquiøxy yajwiinjuø'øy.

⁸ Ja'a Jesucristo, ja'a David jecy yhaphajt yhoc-hajt. Coø ja'a Jesucristo hänäjty tøø yho'ogy, mänit jiuypiojtägajch. Ja'a Jesucristocøxpøch nnä'ägädä yajwiingapxø'øyhaty. ⁹ Coochä Jesucristocøxpä jaduñ nyajnähixø'øy, páadyhøch yaa ndsaaçhpøcy. Páadyhøch yaa ndsumyçhänä'ay nebiä cahwiindøybän. Pero cabä Diosmädia'agy jaduñ mänaa yhadugyii. Wiinduhmyhagajpt jaduñ wia'xy. ¹⁰ Coø jaduñ hoy miaajä wia'xy, páadyhøch yaa hoy ñejpiä nmeex'tucy, weenä jäya'ayhajxy jaduñ ñähwaats quiuhwaatspä, ja'a Dios jaduñ tøø yajnähdíjjiäbä coø ja'a Jesucristo hajxy miøødhídät tu'ugjoot tu'ugwiinmahñdy, møød ween hajxy yagjugyhadyii cøjxta'axiøø nebiä Dios jiugyhatiän.

¹¹ Hix, coø hajxy nniñähdújcämät coø hajxy nhó'cämät nebiä Jesucristo yho'quiän, mänit hajxy jaduñ njugyhájtämät cøjxta'axiøø nebiä Jesucristo jiugyhatiän. Møød jaduñ hajxy jim nhidáanäm maa je'e yhitiän. Tehm tiøyhajt jaduñ. ¹² Jaaná jaduñduhmbä, coø hajxy nmeex'tújcämät, mänitä Jesucristo hajxy jim xmiøødhanéhmämät. Pero coø hajxy nnijogápçämät cooc tyijy hajxy nga'a hixyhájtäm, cab hajxy jim xyajtägøøyyämät maa je'e yhitiän. ¹³ Hoy hajxy nja høhñdáacäm, cabä Jesucristo mänaa yhøhñda'agy. Hoy miänaajä tiømiädia'agyhaty.

¹⁴ Myagjahmiejtstá'agäbä mäbøjpädøjc jaduñ nébiøch naamnä tøø ngujaayän. Hoorä, jaduñ

myajwiingapxó'owät coo ja'a capxiä mädia'agy hajxy quia'a yajtsibó'owät, ja'a ca'a tsoobaatpä. Jaduhnä Dios hajxy xyhanéhäm. Cab jaduñ tiuungpaady coo hajxy jaduñ yajtsibø'oy. Ja'a jäya'ayhajxy jaduñ hamädoowhijpä, cabä hoguiapxiä homiädia'agy hajxy jaduñ hoy yhabøga'añ. ¹⁵ Hamuumdu'jootä tøyhajt myajnähixó'owät ja'a Jesucristocøxpä, jaduñä Dios xquiumáyät, jaduñ mga'a tsähdiúnät. ¹⁶ Cabä capxiä mädia'agy myajcapxió'owät, ja'a ca'a tsoobaatpä. Ja'a jäya'ayhajxy jaduñ tehngajnä yajcapxiøøbiä, tehngajnä hajxy jaduñ nõcxy tiu'udägoyya'añ. ¹⁷ Y maas nämayyä jäya'ayhajxy jaduñ tiu'udägoyya'añ coo ja'a capxiä mädia'agy hajxy jaduñ miädówät, ja'a jaduñ ca'a tsoobaatpä. Tøø ja'a Himeneo jaduñ tiu'udägoonä møødä Fileto. ¹⁸ Tøø ja'a tøyhajt hajxy ñajtshixøøñä. Jaduhn hajxy yhøhnda'agy cooc tyijy hajxy nga'a juyypiøjtägatsaanäm. Ja'a mæbøjpädøjc-hajxy näje'e, coo hajxy jaduñ wyiinhøøñii, cabä Diosmädia'agy hajxy jaduñ hoy miäbøgaanä. ¹⁹ Pero tøø ja'a Dios hajxy xpiädáacäm coo ja'a miädia'agy hajxy tehngajnä nbanócxämät. Jaduhnä Dios tøø miäna'añ cooc ñajuø'oy pønä miädia'agy hamuumdu'joot mæbøjcäp. Jaduhn tøø miänaambä coo ja'a haxøøgcuhdujt hajxy ween ñajtshixø'oy pønjaty niñänøømäp coogä Diosmädia'agy hajxy miäböcy.

²⁰ Maa ja'a mäyøøjäya'ay tiøjcän, madiu'u texy jiiiby. Jiibiä orotexy, møødä platatexy, møødä quepychechtiexy, møødä pochtiexy. Tsoobaatpä orotexy møødä platatexy. Cabä quepychechtiexy

jiaty tsoobaady mөөдä pochtiexy. ²¹ Jaanä jaduhñduhmbä, pønjataiä haxөөgwiinmahñdy najtshixөөby, hoy ja'a Diosmädia'agy hajxy jaduhñ pianөcxät. Hoy hajxy jaduhñ quiudiünät waambaty hajxy yhane'emyii ja'a Wiindsön Jesucristo. Jaduhñ hajxy quiumayөөjät.

²² Pero miich, mnajtshixө'өwäbä haxөөgwiinmahñdy nebiä muutsc-häna'c-hajxy naxy yhadsoquiän. Ja'a mäbөjpadөjcä Dios hajxy hamuumdu'joot pa'yaaxpä, howyiinmahñdy hajxy miөөд. Miäbөjpiä Diosmädia'agy hajxy. Hamiñ haxөpy hajxy ñichocy ñibia'häyoyii. Cab hajxy chiptsocy. Jaduhñ miich hamuumdu'joot mbahíxät. ²³ Caj myajtägө'өwät maa häna'cä capxiä mädia'agy hajxy nä'ä nägoobä yajcapxiө'өyän, ja'a ca'a tsoobaatpä, ja'a ca'a tuungpaatpä. Ja'a capxiä mädia'agy jaduhmbä, ja'a tsipä pleetä yhөjx tiicy je'eduhñ, túhmäts. ²⁴ Pønjaty yaa moonsähájtäp ja'a Dios hädaa yaabä naaxwiin, cab hajxy tií yajtsiptá'agät. Hojiot hajxy miөөdhádäp hoy ñä'ä pөngөxpä. Hoy yajxon hajxy yajnahixө'өwät. Mee'xtügäp hajxy jaduhñ. Cab hajxy jiootmä'adät. ²⁵ Mee'xxieemiä miädsip hajxy yhoj miägäpxät. Wehñdä Dios jaduhñ miäná'anät coo ja'a miädsipä yhaxөөgcuhdujt hajxy ñajtshixө'өwät, weenä төyhajt hajxy jaduhñ wyiinjuө'өy. ²⁶ Ween hajxy jaduhñ wyiinmahñmech, hoy hajxy hänajty төө jia wiinhөөñii ja'a möjcu'ugong. Paadiä möjcu'ugong jaduhñ jia wi'i miäwiinhөөna'añ; ja wi'i miähane'emaamb jaduhñ.

3

1 Pero huuc wiinjuø'øw miičh hädaa. Coö hänajty yhabaada'añ coö ja'a Jesucristo yaa quiädaactägatsa'añ hädaa yaabä naaxwiin, mäniä tsø'ty häyohn jiada'añii yhabeta'añii. ² Haxøøgjatiä jäya'ayhajxy hänajty jiatcø'øwa'añ. Jootmøj hajxy hänajty ñibiäda'aga'añii. Jiaanč tehñ yhadsogaambiä xädø'øñ hajxy. Niguiumayáanäp hajxy hänajty. Yajcumayaamb hajxy hänajty. Capxtägoyyaamb hajxy hänajty. Cabä tiaj tieedy hajxy hänajty wyiingudsähgø'øwa'añ. Cab hajxy hänajty tii yhojiäwø'øwa'añ. Cabä Diosmädia'agy hajxy hänajty miäbøga'añ. ³ Cabä yhuungä tio'oxy hajxy hänajty choga'añ. Cab hajxy hänajty pøn miee'xa'añ. Mänähøønø'øwaamb hajxy hänajty. Cabä howyiinmahñdy hajxy hänajty miøødhada'añ. Mähäyoowhixaamb hajxy hänajty. Cabä hoybä weenbä hajxy hänajty choga'añ. ⁴ Tioogaambiä miägu'ughajpä hajxy hänajty. Cab hajxy hänajty hodiägaamby wyiinmahñdyhada'añ tii hajxy hänajty tiunaamby. Yhøxta'awaamby hajxy hänajty neby hajxy xiooñdá'agät. Cabä Dios hajxy hänajty wyiingudsähgø'øwa'añ. ⁵ Jaduhñ hajxy hänajty ñibiäda'aga'añii nebiä häna'cä Diosmädia'agy mäbøjpän, pero cab hajxy hänajty tøyhajt miäbøga'añ.

Pønjaty jaduhñ haxøøg jatcøøby, naxy jaduhñ mdehñ piuhwá'adsät. ⁶ Jii cahwi-indøyhäna'c-hajxy näje'e, jaanč tehñ yhøhñdaacp hajxy. Naxiä to'oxiøjc hajxy wyiinhøøñ, ja'a hajxy tii ca'a jajp ca'a najuøøbiä. Ja'a to'oxiøjc-hajxy jaduhñbä, cabä howyiinmahñdy hajxy ñä'ägädä møødä. Hamdsoojoot hajxy

jaduh_n yajwiinhøøna'añ. ⁷ Hoy ñä'ä mädyii mädia'aguiä hajxy jaduh_n jia wi'i yhabøga'añ, pero cabä tøyhajt hajxy ñä'ägädä wiinjuø'øwa'añ. ⁸ Ja'a häna'c-hajxy jaduh_n høhndaacpä, haxøøgä wyiinmahñdy hajxy. Cabä Diosmädia'agy hajxy miäbøga'añ. Jaduh_{nä} tøyhajt hajxy miädsibø'øy nebiä Janes ja'a Moisés hajxy jecy miädsibøøyyän møødä Jambres. ⁹ Cabä Janeshajxy jecy miäjädaacy. Paady hajxy jaduh_n quia'a mäjädaacy coo howyiinmahñdy hajxy hänajty quia'a møødä. Ni häna'c-hajxy jaduh_n quia'a mäjäda'agaambä, ja'a hajxy jäda'ahaty høhndaacpä.

¹⁰ Hoorä, tøøch miich xyhixy coöchä tøyhajt nyajnähixø'øy, coöch hoy njäya'ayhaty. Howyiinmahñdyhøch nmøød. Nmäbøjpiøchä Diosmädia'agy hamuumdu'joot. Mee'xxiéemyhøchä jäya'ay nmägapxy. Hoy piönøch ndsocy nmee'xy. Cábøchä Diosmädia'agy mänaa nnänuuxø'øy. ¹¹ Jaanä jaduh_nhøch miich tøø xyhixpä coöch hoy miänaajä nmee'xtucy, hoy ñéjpiøch hänajty nja tsaächpøcy, nébiøch jim tøø njaty tøø nhabetiän Antioquíä, møød jim Iconio, møød jim Listra. Madiú'ujøch jim ndsaaçhpøjcy. Pero cábøchä Dios mänaa xñajtshixø'øy. Hoy miänájøch jaduh_n xcwieendähaty. ¹² Haaga jaduh_{nä} jäya'ayhajxy chaaçhpøgaambä pønjatiä joot pädaacp maa ja'a Jesucriston coo hajxy jaduh_n hoy jiäya'ayhädät. ¹³ Pero ja'a cahwiindøybähajxy møødä høhndaacpähajxy, maas haxøøg hajxy tehngajnä jiatcø'øwa'añ. Mäwiinhøønaamb hajxy møød hajxy yajwiinhøønaambä.

14 Pero miich, na^xiä Diosmädia'agy tehngajnä mjaac teh^m pianócxät, ja'a miich hamuumdu'joot tøø mmäbóquiäbä. Haa ca'a, høøch miich jadu^hn tøø nyajnähixø'øy, møødä mdaj møødä mdajhoc. Paady miich hoy tøø mhabøcy. 15 Chuucnä miichä Diosmädia'agy mdägøøyy capxtaacpä. Jiibiä tøyhajt hajxy nbáatäm neby hajxy hoy nnähwaats nguhwáatsämät. Coö hajxy jadu^hn nmäbójcäm ja'a Jesucristocøxpä, jadu^hn hajxy nnähwaats nguhwáatsäm. 16 Ja'a Diosmädia'aguiä, cøxiä Dios jadu^hn yagjahyyä. Jaanç teh^m tiuungpaatpä Diosmädia'agy jadu^hn. Hahixøøby jadu^hn coö ja'a jäya'ay hajxy nyajnähixøøyyämät. Jadu^hn hajxy njoj nmägápxämät. Jadu^hn hajxy nyajwiinxiic nyajwiingapxøøyyämät coö ja'a tøyhajt hajxy pianócxät, møød coö hajxy hoy jiäya'ayhädät. 17 Pøn^jatiä Dios tøø yajnähdijy coö ja'a miädia'agy yajwá'xäxät, ween hajxy ca'xy pedyii yhabøcy, jadu^hn hajxy hoy yajtuungpáadät hoy ñä'ä maaja.

4

1 Coö ja'a Jesucristo yaa quiädaactägatsa'añ hädaa yaabä naaxwiin, mänit tiägø'øwa'añ mähanehmbä. Mänitä jäya'ayhajxy nägøxiä yajtøyhajtyega'añii, møød hajxy hänajty jujcypiä, møød hajxy hänajty tøø yhö'oguiäbä. Ja'a Dioscøxpä møødä Jesucristocøxpä, jadúhnhøch miich nmägapxy nhane'emy 2 coö ja'a Diosmädia'agy hoy ñä'ä mänaajä myajwá'xät, møød coö ja'a cu'ug myajmäbögät, møød coö mjoj mmägápxät, møød coö myajwiingapxø'øwät coö hajxy jadu^hn miäbögät. Mee'xxieemiä Diosmädia'agy myajnähixø'øwät tehngajnä. 3-4 Hix, habáatnäp

jaduhñ coo ja'a cu'ugä Diosmädia'agy hajxy quia'a tsogaanñä. Cabä tøyhajt hajxy jaduhñ miädowaanñä. Hoy ñä'a mädyii mädia'aguiä hajxy hänajty wyl'i miädowa'añ, nägoo hänajty quia'a tøyä. Mayyä yajñähixøøbiädøjc hajxy jaduhñ yhøxta'awa'añ, ween hajxy hänajty jaduhñ yajñähixø'øyii nebiatiä jioothajxy hänajty chocy. ⁵ Pero miich, tehñgajnä howyiinmahñdy mmøødhädät. Mmee'xtúgäp jaduhñ coo hänajty mdsaaçhpøcy. Myajwá'xäbä Diosmädia'agy. Hamuumdu'joot mgudiúnät waambatiä Dios tøø xyhane'emy.

⁶ Høøch, ja weenjaty quia'a habaady cooch häna'c xyagho'oga'añ ja'a Jesucristocøxpä. Nähjøjp tu'ujøjphøch hädaajän. ⁷ Tøøchä haxøøgpä njøjtana'ay. Tøøch nmäjäda'agy. Tøøch hamuumdu'joot ngudiuñ waambátyhøchä Dios tøø xyhane'emy. ⁸ Chámhøch njøbhixy coochä Wiindsón Jesucristo jim xpiäda'aga'añ hawa'adstuum. Mänítøch jim xpiäda'aga'añ coo ja'a jäya'ayhajxy hänajty nägøxiä yajtøyhajtyega'añii. Hoguiuhdujthaamä Jesucristo hajxy jaduhñ xyajtøyhajtyegáanäm. Cábøch nidiuhm jim xpiäda'aga'añ hawa'adstuum. Pønjaty jaduhñ jøbhixp hamuumdu'joot coo ja'a Jesucristo yaa quiädaactägatsa'añ hädaa yaabä naaxwiin, nägøxiä hajxy jim piäda'agáanäbä hawa'adstuum.

⁹ Huuc min yaa maach høøchän. Mhadó'ødsäp jaduhñ. ¹⁰ Hix, tøøchä häna'c xpiuhwa'açh nämay. Haa ja'a Demas, tøø je'e ñøcxy Tesalónica. Paady yaa tøø choon coo chäna'awa'añ yhäyowa'añ. Haa ja'a Crescente, tøø je'e ñøcxy Galacia. Haa ja'a

Tito, tøø je'e ñøcxy Dalmacia. ¹¹ Jagóoyyøchä Lucas yaa xjiaac møødhity. Tunä mayhajt, nõcxä Marcos wowø'og. Yaa mwoomínät. Hóyhøch yaa xpiuhbédät. ¹² Haa ja'a Tíquico, jímhøch tøø nguexy Efeso. ¹³ Coø miich yaa mmínät, mhuuc túnäbä mayhajt. Høøchä nnähgämem tu'uwijsäc. Jímhøch tøø nnähgue'egy Troas maa ja'a Carpo tiøjcän. Møødhøchä nnocy xpiøcmínät møødá animalhac-hädiüñäbä.

¹⁴ Haa ja'a Alejandro, ja'a pujxthädiuumbä, tøøch cøxypänejpý xñähøønø'oy. Ja'a Dios jaduhñ yaghawiimbídäp. ¹⁵ Cahwiindøy ja'a Alejandro jaduhñ. Mniyajcopcø'øwøøjäp. Møj may ja'a Alejandro xmiädsiphájtäm coø ja'a Diosmädia'agy hajxy naxy nyajwá'xäm.

¹⁶ Mänáajøch jayøbajt nyajnäxø'owø'oyän, cábøch pøn mänit xñähgapxtuuty. Nägøxiøchä häna'c xpiuhwaach. Pero cab jaduhñ ñejpiä. Weenä Dios jaduhñ miee'xy. ¹⁷ Mäjähñdiúumhøch hänäjty. Mänitøchä Dios xñäwaañ. Mänitøchä mäjaa xmiøoyy, jaduhñhøchä jäya'ayä Diosmädia'agy hoy nyajwiingapxøoyy, ja'a hajxy ca'a judíospä, ween hajxy jaduhñ nägøxiä miäbøcy. ¹⁸ Xcwieendähadáambøchä Dios maa ja'a haxøøg ca'a hoybän. Xyajnähwa'ads xyajcuhwa'adsáambøch jaduhñ. Jaduhñhøch jim xyajnøcxa'añ tsajpootyp maa je'e yhane'emiän. Tsøgä Dios hajxy hoy miänaajä wiingudsähgøøyyäm. Amén.

¹⁹ Huuc yajpoo'x ja'a Prisca ja'a høøchcøxpä, møødá Aquila, møødá Onesíforo yhuungä tio'oxy.

²⁰ Haa ja'a Erasto, jim je'e miähmøoyy Corinto. Haa

ja'a Tróximo, jímhøch nnähgueecy Mileto. Pójcäp hánajty je'e. ²¹ Habáatnäp jaduhñ coo tøøchc yhida'añ. Naxy mdehm myínät. Mhadó'ødsäp jaduhñ. Nägøxiä miichä mähøjpädøjc yaa xya-jpoo'xy møødä Eubulo, møødä Pudente, møødä Lino, møødä Claudia.

²² Ween miichä Wiindsón Jesucristo xmiøødhity. Weenä hoyhajtä weenhajtä xmio'oy. Amén.

El Nuevo Testamento en mixe de Guichicovi New Testament in Mixe, Isthmus (MX:mir:Mixe, Isthmus)

copyright © 1988 Wycliffe Bible Translators, Inc.

Language: Mixe, Isthmus

Translation by: Wycliffe Bible Translators, Inc.

Mixe, Guichicovi [mir], Mexico

Copyright Information

© 1988, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Mixe, Isthmus

© 1988, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 11 Nov 2022 from source files
dated 29 Jan 2022

4e564219-157f-5807-b810-47a15308b8b8